

672

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko-podrinjskog kantona“, br. 7/97 i 3/99 i „Službene novine Tuzlanskog kantona“, br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 11.9.2018. godine, d o n o s i

ZAKON**O IZMJENAMA ZAKONA O RADIO-TELEVIZIJI TUZLANSKOG KANTONA****Član 1.**

U Zakonu o Radio-televiziji Tuzlanskog kantona („Službene novine Tuzlanskog kantona“, br. 6/02, 5/04, 11/04, 5/06, 13/09 i 8/12) član 16. mijenja se i glasi:

„Član 16.

Imovinu RTV TK čine sredstva za rad pribavljena od osnivača, sredstva stečena pružanjem usluga i prodajom proizvoda ili pribavljena iz drugih izvora u skladu sa važećim propisima.

Sredstva za finansiranje djelatnosti RTV TK osiguravaju se:

- Budžetom Kantona,
- pružanjem usluga i prodajom proizvoda u okviru osnovne i sporedne djelatnosti (vlastiti prohod),
- iz drugih izvora u skladu sa važećim propisima.“

Član 2.

Član 17. mijenja se i glasi:

„Član 17.

Skupština Kantona, na osnovu srednjoročnih i godišnjih programa rada i razvoja RTV TK, iz sredstava Budžeta Kantona osigurava sredstva za finansiranje djelatnosti RTV TK.

RTV TK iz sredstava iz člana 16. stav 2. alineja 2. osigurava dio sredstva za izgradnju ključnih infrastrukturnih objekata značajnih za tehničko-tehnološki razvoj RTV TK i programske projekte od šireg društvenog značaja.“

Član 3.

U članu 21. u alinejama 1. i 3. riječi „glavnog i odgovornog urednika“ zamjenjuju se riječima „Izvršnog direktora za program“.

Član 4.

Ovlašćuje se Zakonodavno-pravna komisija Skupštine Tuzlanskog kantona da uvrđi prečišćeni tekst Zakona o Radio-televiziji Tuzlanskog kantona.

Član 5.

Ovaj zakon stupa na snagu osmog dana od dana objavljivanja u „Službenim novinama Tuzlanskog kantona“.

Bosna i Hercegovina
- Federacija Bosne i Hercegovine -
TUZLANSKI KANTON
Skupština

Broj: 01-02-411-4/18
Tuzla, 11.09.2018. godine

PREDSJEDNIK
Skupštine Tuzlanskog
kantona,

Senad Alić, v.r.

673

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko-podrinjskog kantona“, br. 7/97, 3/99 i „Službene novine Tuzlanskog kantona“, br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 11.9.2018. godine, d o n o s i

ZAKON**O DOPUNAMA ZAKONA O DRŽAVNOJ SLUŽBI U TUZLANSKOM KANTONU****Član 1.**

U Zakonu o državnoj službi u Tuzlanskom kantonu („Službene novine Tuzlanskog kantona“, br. 7/17, 10/17 i 10/18) iza člana 53. dodaje se novi član 53a., koji glasi:

“Član 53a.

(Naknada za porodijski dopust)

Državni službenik za vrijeme porodijskog dopusta ima pravo na naknadu plaće prema propisima Kantona kojim se uređuje ova oblast, prema mjestu uplate doprinosa, s tim da razliku do visine pune plaće uplaćuje organ državne službe u kojem se taj državni službenik nalazi u radnom odnosu.“

Član 2.

U članu 84. u stavu (1) iza riječi „odsustva“ dodaju se riječi „naknadu za porodijski dopust“.

Član 3.

Ovaj zakon stupa na snagu osmog dana od dana objavljivanja u “Službenim novinama Tuzlanskog kantona”, a primjenjivat će se od 1.1.2019. godine.

Bosna i Hercegovina
- Federacija Bosne i Hercegovine -
TUZLANSKI KANTON
Skupština

Broj: 01-02-412-4/18
Tuzla, 11.09.2018. godine

PREDSJEDNIK
Skupštine Tuzlanskog
kantona,

Senad Alić, v.r.

674

Na osnovu člana 24. stav 1. tačka n) Ustava Tuzlanskog kantona („Službene novine Tuzlansko-podrinjskog kantona“, br. 7/97 i 3/99 i „Službene novine Tuzlanskog kantona“, br. 13/99, 10/00, 14/02, 6/04 i 10/04), na prijedlog Komisije za izbor i imenovanja Skupštine Tuzlanskog kantona, Skupština Tuzlanskog kantona, na sjednici održanoj 11.09.2018. godine, donosi

O D L U K U**o izmjeni Odluke o izboru i imenovanju članova u stalna i povremena radna tijela Skupštine Tuzlanskog kantona****I.**

U Odluci o izboru i imenovanju članova u stalna i povremena radna tijela Skupštine Tuzlanskog kantona („Službene novine Tuzlanskog kantona“, br. 2/15, 6/15, 14/15, 2/16, 6/16, 12/16, 4/17, 7/17, 15/17, 8/18 i 10/18), vrši se sljedeća izmjena: